

續修四庫全書

《續修四庫全書》編纂委員會編

續修四庫全書

上海古籍出版社

一五〇五・集部・別集類

頤道堂詩選三十卷 頤道堂詩外集十卷 頤道堂文鈔十三卷附一卷（頤道堂詩選卷十一

至頤道堂文鈔卷七）〔清〕陳文述撰……

頤道堂詩選卷十一

錢塘 陳文述 退庵

古今體詩

春夕聽雨憶鐵雲

入春又五日雪意未能晴添酒消寒夜移燈聽雨聲因懷
京邸客間作洛城行歸夢休遲暮高堂共此情

光福道中口占

柳絲風急曉啼鴉紅版橋西石路斜行過竹陰人不見一
園春露白桃花

弔孫蓮水

經年聽雨琅嬛館千里郵書白下門知己難忘當日事故

頤道堂詩選卷十一

交今更幾人存墨消刻燭殘詩卷夢憶題襟舊淚痕一片
西江殘月色酒樽何處與招魂

燕舫對牡丹追悼荀兒

容易花開又一春花前滴淚獨傷神更無桂浦迴帆夢空
憶蘭堂乞畫人汝母經年嗟臥病而翁三載賦長貧一枝

折向西亭供細雨瀟瀟溼暗塵

兄棺尚
在西亭

月夜泊虎山橋

西華翠隱隱上堰煙濛濛微風夜船靜澹月春山空萬梅
綠成海殘香入孤篷波上漁浦笛雲外荒庵鐘月華三萬
頃照見七十峯隨風渡湖水夢逐孤飛鴻

曉自光福偕蕭少府至香雪海未至鄧尉而返

殘月下春山春山睡未醒意行入山深雲裏輕衫冷諸山
列平疇經雨曉妝靚山缺澄湖光更寫遠山影籃輿經梅
林綠陰妙可領想見花開時香雪散煙景一峯蒼翠深居
人汲銅井緬懷宋商邱品題出塵境不見王漁洋禪關出
西嶺會當攜孤琴聯句搜石鼎

舟中望西華

虎山橋影入溪斜上堰微波送落花一桁篷窗青欲語隔
林山色是西華

送梅史至皖

送君帆影指河干迴首前遊感百端七月虞陽聯舊雨三
年韋曲夢長安江山放眼吾曾到風雨關心別最難倘遇

頤道堂詩選卷十一

故交勞寄語年來華髮漸闌珊

哭徐心如河帥

浩浩河流萬馬奔茫茫落日與招魂畢生功過歸輿論末
路升沉戴國恩自有勤勞酬野祭祇餘涕淚灑師門緣
知未了生平志暮雨靈旗海氣昏

龍么妹歌

么妹龍氏女黔中土司龍躍之女弟也躍祖某爲
黔苗豪族方吳三桂據滇日檄諸苗策應某獨與
抗滇平論功賜總兵官爲諸苗長四世至躍秩遞
降爲千總嘉慶二年教匪山楚入秦蔓延黔中督
軍威勤勒侯檄躍赴軍躍疾作不能行么妹乃帥

三百人詣督軍營聽指揮戰屢捷是年八月十五
夜攻南籠深峪賊巢擒渠王囊仙七絡鬚等督軍
所遣八路軍公妹其一也南籠賊平後軍威大振
而公妹之名播於全黔矣在軍中半載餘所斬賊
至衆嗣勒侯移鎮撤兵錄躍功而重賚公妹遣之
歸大興舒鐵雲孝廉在候軍中親見其人願身玉
立豐容雪膚年二十許蠻妝窄袖翩若天人弓衣
劍室金繡錯采遇敵輒躍馬奮進三百人自成一
隊退則獨結一寨部伍有法或軍中議事及公議
則揣摩賊情議論洞達雖宿將無以過軍中比之
秦良玉云孝廉黔中雜詩載其事余因作歌以紀

之

頤道堂詩選卷十一

三

羅旗金翠翻空綠鬢雲小隊弓腰束樂府重歌花木蘭錦
袍再見秦良玉甲帳香濃麗九華玉顏龍女出龍家白圍
燕玉天姬錦紅壓蠻雲鬼國花小姑獨處春寒重巫峽雲
間不成夢喚到芳名祇自憐前身應是桐花鳳一卷龍韜
驚褥熏登壇施嬖自成軍金剛臺榭森兵氣玉砦闌干起
陣雲昔年叛將滇池起金馬無聲碧雞死水落昆池戰血
斑多少降旛盡南指銅鼓無聲夜渡河獨從大帥挽天戈
百年宣慰家聲在鐵券聲名定不磨起家身襲千夫長阿
兄意氣凌雲上改土歸流近百年傳家猶寶雲臺仗雪點
桃花走玉驄李波小妹更英雄星馳蓬水魚婆箭月抱羅

洋鳳女弓白蓮花壓黔雲黑九驛龍場埃烽逼一紙飛書
起段功督師羽檄催軍急阿兄臥病未從征阿妹從容代
請纓元女兵符親教戰拏龍小部盡嫺嫺紅玉春營三百
騎美人虹起鳴軍避戰血紅銷蛺蝶裂軍符花塹鴛鴦字
秋夜談兵繡榻涼白頭老將媿紅妝圍香共指花鬢市趨
雪爭看雲彈娘敵中妖女金蠶蠶甲仗彌空騰白羽金虎
宵傳羅曼刀紅螺夜演天魔舞八隊雲旗夜踏空揜渠爭
向月明中晉陽掃淨無傳箭都讓荀娘第一功春山雪滿
桃花路鑄銅定有銘助處八百明駝阿磴歸三千銅弩蘭
珠去當年有客賦從戎親見猺仙玉帳中珠簪翠珥天人
樣豔奪燕支一角紅軍書更有簪花格蠻箋小幅珍金碧

頤道堂詩選卷十一

四

誰仿相思寒畔居鈴名紅暈芙蓉石功成歸去定何如跳
月姻緣夢有無惆悵金檀花落夜丹靑誰寫美人圖

送六弟謙谷之官丹徒主簿

彈冠三載思爲吏捧檄今朝幸入官好念家聲矢清白但
關民事總艱難心存慈惠輿情洽養到和平百事安但得
賢聲親意慰好憑芳訊勸加餐

謙谷迎兩大人同眷屬至丹徒河干送別竝寄謙谷

一官捧檄艱難甚知爾懷思直至今薄宦養親人子事近
遊惜別暮年心江魚入饌晨餐勸山翠開顏勝地尋從此
登樓吾北望潤州城郭白雲深

張船山太守自萊州乞病倚寓吳門

太白覽蘇臺東坡登虎邱古來蜀中彥例作吳門遊先生
生劍外劍氣森純鉤早年官中朝才筆凌王侯一麾去東
海浩浩蓬萊秋訪舊述祖德海緣搖瀛洲豈知世道險詰
屈如盤蚪涇渭不可淆松柏焉可採通人與巧宦柄鑿分
恩仇辭官託微疾中道遲蘭舟故人謫更深割宅殷勤留
客謂查此問山水好花月真清幽居士范石湖長官韋蘇州
才人例有詩矧君邁曹劉清尊倘佇興君唱吾能酬

吳下遇伊墨卿太守

鄴侯邛雅頌春去水部蓬萊采藥回又見使君停畫舫相
期尊酒話蘇臺茫茫宦海無窮事落落晨星有數才多少
寓公吳下住揚州明月望重來

頤道堂詩選卷十一

五

同趙北嵐招同王惕甫典簿伊墨卿張船山兩太守

陸古愚主簿湖舫小集即送墨卿入都

亂蟬嘶斷續幽禽海湧峯前話綠陰日下交遊重握手中
年出處本同心眼前流水知陳蹟天外行雲戀故岑君向
燕臺定迴首江南秋夢寫青琴

書孫蓮水書毛海客遺詩後

毛大瀛字海客江蘇寶山人以州司馬試吏關中
畢秋帆尙書奏畱河南及督兩湖又攜以入楚以
從惠瑤圖制軍征西藏功擢簡州牧教匪作亂殉
難入祀昭忠祠余官寶山求其詩集及後人俱不
可得蓋已移居嘉定矣後孫蓮水自豫章錄其遺

詩十餘章寄吳門始得讀之如羊太傅祠云豈能
事業皆如意未有英雄不好名黃鶴樓云憑闌勝
概人間少此處詩才我輩爭襄陽懷古云見耶莫
怪皆豚犬乃父平生祇好鷹皆性靈獨得之作孫
岳生以雲騎尉改博士弟子聞在華亭姚公子春
木家能世其學詩爲蓮水手錄今蓮水去世亦二
年矣夏日偶檢舊書因題四律

一紙詩同碧血藏海東奇士說毛萇生無福命登詞館死
有聲名重國殤萬里遊魂悲蜀道連城併命弔睢陽張位中上
海人官制 騷人自古多哀怨披髮傳芭下大荒
尚書節度兩名卿鵲鴒參軍舊有名嵩洛山川明霽色關

頤道堂詩選卷十一

六

河風雨急秋聲錦城花落悲聞笛青海波寒憶洗兵諸將
詠懷盡零落尙餘殘句託湘蘅詩皆楚中作蓋蓮水與君同在尚書幕府所錄也
吳淞江上落潮初曾挽雕弓射海魚絮酒未澆徐碑墓蓬
蒿難覓子雲居孤兒寄食研家學公子連楹讀賜書記向
昭忠祠下過西南萬里碧雲疏海客祀太倉昭忠祠

叢殘楮墨淚痕濃聽雨懷人咽暮蟲虛說徐公美城北明
詩亦蓮水所贈 可憐孫綽逝江東燈涼別館停雲散葉落靈巖墓
樹空時尙書後人方卜改葬 萬斛秋懷數行字長天杳杳送飛鴻

七月初九夜坐佳月軒玩月因成一首

溼雲收盡殘霞沒幾點疎星送明月延秋庭院涼意生潑
水階除清興發亂蟲入耳劇肝腎孤螢拂鬢鑒毫髮池水

盈盈穀微動庭草娟娟香未歇六載玩月長安城玉盤爛
爛挂金闕中間一年客灤河仙莊秋影寫林樾于役黃河
宦滄海萬里銀濤派溟渤頻年寂寞吳王城科頭意行足
不靴眼前雞蟲任得喪世外煙霞夢飛越蛾眉兩仙去已
久誰解詩心悟禪筏適誦太白東坡玩月諸作鱗鱗臥看碧雲合欲跨
青鸞夢恍惚三更斗轉月斜河吹夢涼風灑肌骨

月夜坐叢桂下追悼亡兒

世味嘗深欲悟禪月華涼極不生煙可憐桂浦歸帆夢露
冷花寒又一年

太息蘭芽損一枝尋常行處總生悲可知兒母經年病又
到花開月上時

頤道堂詩選卷十一

七

同琴陽快亭過畢尚書池館

到眼秋如許林嵐好畫屏苔花篆陰洞藤蔓罨疎櫺落葉
橋邊樹斜陽水上亭祠堂西一角遺集未飄零書版尚存

問道靈巖麓尚書有故園如何裴令墅非復謝公墩斷樹
悲樵收殘碑問子孫青山無恙在閒話亦銷魂時靈巖山館歸琴河

蔣氏尚書墓遷葬光福故云

張鐵槍歌

張名永祥河南陳州人教匪闖入中州張以三百
人破賊五千境賴以安以所過皆大帥駐兵地功
不得上得百夫長棄歸農會儀徵阮中丞開府河
南聞其名招致之移節撫浙復攜與俱使教浙營

軍士槍法公內召張從公至揚州適屠君倬宰儀
徵儀徵固鹽徒數澤小鬪如戰屠君問張名乞於
中丞延以自助三閱月渠魁擒治略盡客屠君三
載未嘗與人有纖介之爭屠君秋夕過余寓齋談
張軼事因作此詩以貽之

秋河入戶秋夜長秋風吹鬢秋堂涼四座無聲尊酒冷翦
燈聽說張鐵槍鐵槍之利銀鋸折鐵槍之捷驚蛇掣有時
化作繞指柔飛落梨花滿身雪昔年烽火驚繁臺大槍青
犢從西來連營諸將堅壁臥高牙大纛皆凡才鐵槍此時
閒不得三百健兒工技擊以一當十當百血戰連宵陣
雲黑蟻賊五千氣如壘不使梁園慘鋒鏑功在粉榆心在

頤道堂詩選卷十一

八

國捷書夜上將軍營此時軍令難分明功成長揖不受賞
南山歸去思躬耕容易兜鍪換蓑笠綠沉苔臥瘦蛟泣淮
南大儒開府來風塵拂拭生顏色中州移節來之江中黃
練士森戈鏌戟門教戰萬衆集鐵槍才藝真無雙開府還
朝鐵槍去使君禮士鐵槍住真州城西江水惡舊足離梟
鷹集處使君備梟如備敵使君搏梟如搏賊孤城斗大鐵
槍在知已感深忠義激同時豪傑爭馳驅健者更有任與
吳下逮韓陶亦壯士不嫌往日梟為徒手臂人人健無匹
都讓鐵槍名第一古來何者可比似裴旻劍舞張顛筆使
君愛士開府同作詩亦有前賢風太息使君一官小資格
所限悲英雄我亦臂鷹好身手手版隨人牛馬走太白銷

鉞月值斗鐵槍鐵槍爾何有不如來盡尊中酒

聽楚僧彈琴

楚僧橫玉琴對雨寫秋心彷彿煙江岸兼之楓樹林月明
湘水遠雲斂洞庭陰一自靈均去無人知此音

明靖南侯黃忠桓公墓在眞州方山之麓琴鳴令眞
州訪得修復之以所燕墓碣見示因書其後

眞州城下青山暮一碑新立山前路行人墮淚說前朝碑
頭深刻將軍墓青墳當年徧地馳將軍百戰豹雷皮桓伊
威望前秦卻臧質聲名北魏知北都破後南都建四鎮弓
刀誰最健但得同心將相和中興氣象何難見馬阮分明
秦李儔將軍失意在揚州一時君側除奸疏不重邊防重

頤道堂詩選卷十一

九

上遊左兵傳檄討曹來東下樓船失將才不是板磯先一
戰前車覆轍九江哀北兵飛渡江淮過孱王出走都城破
空見青塘草聚營更無玉壁王黥臥渭橋心事李西平何
處勤王更有兵豈料豺狼生部曲不堪梟獍起同盟箭鏃
橫穿血花紫將軍甘爲君王死一事千秋恨不消金翅飛
來食龍子肝表當時傷故岑將軍埋骨暮雲深一坏馬革
忠臣淚五夜烏啼孝子心紛紛花馬番山鶴南朝諸將堪
悲嘯獨有將軍殉國心梅花閣部同憑弔皇象書兼費鳳
文使君弔古託蘭薰題碑待勒王琳廟醺酒先澆下壺墳

琴鳴擬建苗黃二公祠以祈
宋眞州守將苗再成同祀

題船山藥庵退守集

當代大名垂日下頻年長句歷山東高情濬到辭官後豪
氣消于失意中宦海波瀾終古在騷壇旗鼓幾人雄近來
我亦蕭閒甚獨夜長吟翦燭紅

贈錢塘詩僧小石卽送歸西溪

上人結茅處知在北峯陰門外西溪水蘆花秋雪深空山
成獨往靜夜發微吟使欲尋漁具從君返舊林

呂堰驛一首弔王巡檢

翼孫

兼呈令兄惕甫國博

戰鼓西來賊氛逼烽火夜驚呂堰驛官守驛先守橋橋
下清冷沉毅魄先期籌筆上兵事士馬芟芻資壁畫倚資
重鎮作保障定倚長城固磐石一官如豆不入流驛卒疲
瘁驛馬瘠報國豈論官崇卑耿耿惟憑此心赤少年昔從

頤道堂詩選卷十一

十

軍府遊解唱黃塵拓金戟朝盤峻坂互馳逐夜墮深淵自
騰擲愛著北府鐵兩襦豈識東吳舊裴屐文士殺賊史傳
少才人殉難士林惜一紙家書方戰還澹墨淋漓慘畱蹟
從此青墳每夜驚想見忠魂猶殺賊張巡植髮氣貫虹溫
序銜鬚怒生沙男兒戰死便埋骨何事裹尸勞馬革殘卒
來尋故衣處河上悲風水花白團花黯澹青羔裘戰血斑
斑在襟襖楞伽山下墓勒碑昭忠祠裏名書孤孤兒恩澤
隸羽林大謝文章動蠻貊西望荆門弔國殤雲斂瀟湘暮
天碧

梁溪道中見梅花有懷蓉裳秦中

雙槩梁溪路東風見一枝香浮春水覺影瘦曉煙知殘雪

龍山樹停雲鳳女祠無因憑驛使折取寄相思

獨遊秦園偶成二絕句次首有懷犀泉

茱萸芳檻壓晴波山影低迷漾碧螺春水依然似明鏡照來祇覺鬢絲多

高會龍山也夙因題襟往事總如塵疎花碎石渾如舊不見當時刻竹人

玉峯道中見桃花

帆影如雲動碧空綠波春漲鴨頭濃曉煙隔斷桃花岸一角青山是玉峯

月夜泊野雞墩候潮

野戍明孤堠危橋冷夜煙停棹殘月下知是候潮船

頤道堂詩選卷十一

十一

斷岸隱遙邨明星挂深樹來船候潮來去船候潮去

小艇通長泖長檣接上洋野雞墩下泊無數野鴛鴦

風細帆雙幅波輕櫓一枝行舟莫相羨各有趁潮時

滬濱弔晉吳國內史袁山松山松守滬濱死孫恩之

難事詳晉史

金行失統御南北分天光小醜屢竊發雲擾侈陳敏張昌

靈秀本芽孽恩字靈秀即秀之族吞舟漏餘皇世奉五斗道何異黃

巾黃魚腹得瓜刀妖妄紛蜩蟬逃死恐不暇乃敢滋披猖

八郡盡蛾賊豕突不可當四謝與二孔吳興太守謝遜南康太守謝逵

公謝明慧黃門郎謝沖中書郎孔道太子洗馬孔福

允黃門郎張琨一一皆國殤我哀王江州微之奕奕齊諸郎

烏程令夏侯惇

臨戎渺繭叢靖室空焚香我哀謝會稽謝威名走秦王忠

孝萃一門襄革邪浦旁我哀桓廣武桓軍鋒先啓行畢命

千秋亭大節森疆場內史夏陽彥博學能文章百篇後漢書才筆追班揚倚醉歌樂府清遠音琅琅家世事戎旅司

馬威聲颺懸軍破蜀壘持以三日糧湘西有世業家聲振龍驤山松父喬從桓溫伐蜀進號龍驤將軍封湘西伯風流數三絕絕調追桓伊

羊曇出遊作挽歌此意殊慨慷滬濱瀕海濱列戍稱嚴疆將軍百戰死遺壘悲蒼涼桓桓劉寄奴緣海追天狼此地

終破賊定有靈風揚劉裕破恩於滬濱方今海道梗閩粵皆周防吳淞列外蔽鎮以樓船楊水仙幾時縛彎弓掛扶桑我來

弔遺蹟廢壘橫斜陽天風何浪浪海山何蒼蒼傳芭歌招魂披髮下大荒

頤道堂詩選卷十一

十一

黃浦望吳淞煙樹有懷楊良淵節鎮乞病還閩兼憶舊治

橫海樓船舊將壇依然雲氣滿旌竿將軍歸去帆檣遠客

子重經鼓角殘官舍也知花事晚大隄曾話暮潮寒六年

前事關心在回首春城立馬看

過李氏淞澤園

林鶴迎人呷池魚傷客遊竹陰新綠徑花影小紅樓水曲

廊同曲巖幽洞更幽十年塵土夢容我暫勾留

最好清華閣開簾拄笏看鐘聲樓角近帆影浦雲寒煙際

飛新燕林間見牡丹主人何避客閒煞畫闌干

過也是園弔李味莊觀察

曲池漸廢古臺傾猶傍珠宮識舊名謝傳林泉原託興衛
公花木亦多情江南壇坫何人繼海角旌旗幾度更畱得
敬容殘客在攀條猶爲說生平

林遠峯俞秋圃改七蕪家
竹士皆觀察舊客也往來
余幕中說
公遺事

題李心庵農部

林松

所藏明趙忠毅公自書詩卷後

趙公詩筆韓杜流草書亦是蛟螭蚪吳橋輶詩未收拾遺
墨在世珍琳球心庵農部雅好古寶此不讓洪與歐詩十
一篇字九百筆端鈺鐔生戈矛德陵在御國事憤中涓柄
政嗟委裘六芝詔獄君子盡茄花委鬼滋陰謀是歲癸卯
月夏五公時罷職居林邱開園清酌聊爾爾孤鶴憤嗟悲

頤道堂詩選卷十一

圭

清秋燕子不來合歡謝飛植何事關恩仇忠義遇物卽感
觸湘纍香草同離憂疎花亭竹詠片月中有涕淚嗟牢愁
人不求官不好色斯人正氣眞吾儔代州鐵衣去不返此
卷何幸今人畱君不見鐵如意明明星斗森奎婁又不見
殘月硯睽睽太白天西頭想見酒酣潑墨弄奇肆唾壺擊
罷霜毫抽卷中作者多老輩健筆一一劉曹劉東林嫡裔
有題句飢鳳夜語聲啾啾

楊徵策字撲齋忠烈後人左德
修字紫海忠毅後人圖中皆有

題此中字字抱元氣君善寶此追前修擊奄一疏知更好
文海爲證黃黎洲

弔趙光祿

文哲

衣冠墓

當年上將賦西征祭酒軍諮有盛名豈料周防疎鐵牡空

令壯志失長纓千秋化碧悲遺墨萬里招魂拜 賜塋曾
與諸郎舊相識江鄉回首憶春明

題金圓玉蔡女羅合畫梅花畫幅

畫爲陽羨儲紀堂孝廉所藏有二印一曰書中有
女畫中有詩一曰水繪園蘭閨雙畫史不著款余
定爲兩女史所作

水繪園荒咽殘瀑芳林寂寞莓苔綠絹素流傳又百年如
見蚪枝綴寒玉一枝瑤悅酣春紅一枝珂雪開曉風翠羽
無聲月波冷彷彿夢入羅浮峯誰其作者嬋娟子小印分
明雙畫史想見蘭閨點筆時玉臺雙笑香生紙素心冰雪
顏朝霞畫梅人亦如梅花我所思兮莫瓊樹仙之人兮萼

頤道堂詩選卷十一

圭

綠華君家居近迎陵宅標題殘墨畱陳蹟回首南都感夢
華花月滄桑幾詞客

丹鳳樓望黃浦

春色在高樓春江抱郭流潮聲汨闌檻帆影拂簾鉤親舍
吳門雨漁莊故國秋來朝吾欲去誰此話歸舟

虎邱贈趙雲松先生

杖履扶來塔影邊蘭陵書畫米家船孫洪鄉里推前輩袁
蔣聲名共百年七錄文章諸體備三朝耆舊幾人傳我來
欲作靈光賦鶴髮飄蕭萬柳前

青浦道中待月

一片清溪水停橈待月生溼雲收不盡野水照還明夜色

雲間樹秋風海上城懷人愁不寐啼煞夜烏聲

書夏內史玉樊集後

內史名完淳字存古華亭人父允彝與陳子龍爲
幾社領袖崇禎十年進士官長樂知縣宏光時擢
考功郎南都之變投水死存古十二歲詩賦已成
帙十七歲以作唐藩表被獲至金陵抗節死無子
所著有玉樊堂集夏內史集

卞壺子死忠孔融子死孝幸有氣節畱惜無文采耀內史
東南彥眉目天人貌李泌神俊異終軍氣英妙勵志匹梁
鴻讀書富袁豹里門接張翰園池近陸瑁有父官考功東
林世則效長樂治行卓雲間盛名噪崧塘卽汨羅抱石沉

頤道堂詩選卷十一

五

清渙一卷幸存錄三朝儲史料有師官黃門同樹幾社蠹
風節邁李膺月旦齊許劭滄桑入騷雅江海馳文話細林
聞野哭一燼崑岡燎有伯字元初明經共席帽神摧連枝
折蹟謝重闔闔蒼涼慟家國慷慨翊名教從容就義處相
傳任鄉校有姊字荆隱班左好才調徘徊寡鶻歌激烈貞
松操甘從軹里隱不學淮陰漂嫗媛感女嬃漆室同悲嘯
天地旣倉皇骨肉尤悽悼悲從家難起誓將國恥報豪傑
其井里英雄起屠釣壯士齊田橫列將秦蒙驚海上奉正
朔江東建名號欲藉偏安業再爲中興造深結河山誓遠
答日月詔豈料秦謀疎終令晉師譟田林捕方急張儉窮
無告暫從蕭寺匿終被複壁鈔桓桓大將軍簪纓飾耀燦

松山哀壁壘桂林建旌旄陽秋史筆誅隱諷微詞誚寶劍
鋒肯折直木埋不燒南冠涕淚深西市風雪暴於臣爲盡
瘁於子爲克肖獄中上母書老淚痛衰耄報國勉王陵辭
親異溫嶠臨終寄內作碧血漬麻縞無兒伯道嗟有女中
郎抱遺集久零落幸免野火燒珠沉蛟龍泣玉碎鳳皇叫
何年出人間搜軔資體要江關哀庾信山水吟謝朓玉溪
工駢儷樊川論兵漕歲月倘寬假李杜應凌傲我昨海上
遊言泛雲間懼玉峯訪墳墓青溪問祠廟從古忠義士惟
君最年少十二工文章詞壇早執掉十五作黨魁義兵資
號召十七爲國殤白刃甘心蹈萬世應流芳九原定含笑
長吟當九歌慷慨忠魂弔

頤道堂詩選卷十一

六

蕭塘候潮

我從黃浦來言向蕭塘泊停橈待潮生蓬窗意寂寞回望
所來處人家若城郭彷彿明鏡中了了見樓閣坐看下水
船爭趁歸潮落短籬雞鶩高樹喧鳥雀婦子有閒意始
識田家樂終有長潮時暫憩亦不惡水面波云汙林端煙
漠漠

重至青邱

寒湖曲折抱城迴雲樹蒼茫雉堞開黃浦煙波秋又到青
蘆城郭我重來十年宦海愁中度兩鬢霜華鏡裏催今日
虛堂認行蹟紫荊花下綠莓苔

陶宅弔黃唐堂宮詹故居

一編香屑萬花熏東馬嚴徐迴不羣南國才推徐孝穆東陽人說沈休文舊家廢宅埋春草詞客高墳隔暮雲墓在九峯欲採白蘋酬薄祭申江潮落水云云

秋夜署齋翫月

秋雲如薄羅夜月映之碧雲過玉輪出瀉此月華白檐瓦溼欲流庭階素疑積小院雙青桐密葉暗簾額始知承天寺佳處在竹柏仰首眺碧落空青如不隔明河澹欲沒疎星朗可摘哀蟲遞清響警此孤迴客秋芳邁春華佳境足可惜昨夜月如珪今夜月如璧來夜知如何逝水去無蹟李白詩最佳謝莊賦可釋眷念同夢人懷思永今夕

中秋雨中曲識有懷

頤道堂詩選卷十一

七

叢桂懷香溼暮煙琴樽東閣共開筵惜無夜月吟紅豆深恐秋風損木棉吳苑池臺昏似夢錢塘煙水遠於天眼前多少關心事聽雨聞歌總惘然

吳左將軍宛陵侯諸葛瑾墓

大名諸葛重江左又斯人避世眞兄弟乘時各主臣心同魯肅厚品似顧雍醇太息黃龍字秋風臥石麟

南橋弔家桂堂太守

延慶

記得相逢日於今十六年環媛忝賓從蒲褐共因緣樺燭題襟館蘭橈餞別船不堪回首處往事總如煙連與君相識於戊辰之冬時雲臺師以學政任滿入都余同行君與蘭泉司寇餞於楓橋

片帆煙雨裏問渡又南橋城郭秋風早門闌古樹凋辰州

留舊蹟申浦咽寒潮一角西湖影詩魂不可招余甲戌秋過君米筋今重至而君已客死武林傷哉

月夜渡黃浦

殘月響秋潮疎星遠碧霄天空黃浦闊風緊白帆驕我欲雲間去停琴問畫橋明朝綠楊樹繫纜北門橋

八月廿四同李平泉舍弟謙谷兒子孟楷登靈巖遇

雨卽事有懷雲臺漕使師津門

秋樹黯斜暝秋風落葉紛鴉啼故宮雨龍挂太湖雲古洞苔痕沒殘碑野火焚更無遊女到春夢散羅袞

昔與環媛客同登響屨廊落花隨輦路啼鳥出宮牆花月三生老雲山兩鬢蒼勞君持玉節風雨浹津涼

頤道堂詩選卷十一

六

月夜姑蘇臺置酒用太白金陵鳳皇臺置酒韻

吳宮一片月流照姑蘇臺湖波三萬頃倒影浮雲開明月幾時有曾見西施來西施去五湖泛舟不復迴湖中兩高峯蒼翠疑天台吳王昔行樂歌舞酣金鼉鷓鴣與麋鹿付此酒一杯屨廊有遺蹟寂寞生綠苔明月莫西逝野寺鐘聲催

玉峯道中偕湘姬聽雨

珊珊蓬背響枯荷秋樹江城倚枕過雲裏青山原是玉雨中碧水更如羅翦燈殘夢更番憶擁髻閒情往事多彷彿蓮花莊外路主人原是小鷗波

明靖難忠臣太常卿黃忠愍公子澄墓

墓在馬鞍山麓邑廟後人無知者乾隆中雷震出之縣令裴元長立碑其上

忠臣之精爲日星其氣鬱勃爲雷霆其精不以盛衰易其氣不以生死更君不見靖難忠臣黃子澄當年誅戮無遺嬰馬鞍山前一坏土土中片石埋其名金川門開十族赤蔓草長陵北平北荒亭敗瓦五百載一夜龍池飛霹靂霹靂下擊雲雲天斷碑綠字生苔錢鬼神護惜父老泣異事人說乾隆年嗚呼古來忠義不可磨或爲山岳爲江河胥江怒潮走澎湃岳祠古柏蟠嵯峨忠武關前墳土蝕一峯湧出迴盤渦天心地脈表忠赤正氣豈獨文山歌蕭統文章託豪素碑文爲太倉蕭揆所撰重表忠臣埋骨處金山紅石草荒

頤道堂詩選卷十一

九

涼封樹誰尋大師墓

偕湘姬舟中望九峯

九峯原是九芙蓉第一芙蓉玉女峯圓渚天開秋影靚扁舟人去暮煙重十眉圖樣爲卿寫四面林嵐學我慵故里青山應更好何年歸聽裏湖鐘

聞松壺子於秣陵城北營青峯草堂中有陶宏景遺

蹟僕久客羈宦頗懷歸田之志因敘舊以寄之卽

用太白集中寄元丹邱營石門幽居詩韻

朝覽九峯雪暮眺三山雲雲飛不可見朝暮還思君君家在江南忽復至江北故里好湖山十年歸未得迢迢鍾山陽高臺集鳳皇陶公棲息處邱壑同巖廊本草精心析意

行隨所適宰相居山中云是神仙客陶谷昔所居山青雲不隔上爲三層閣下臨九衢陌謾謾松風喧清籟堪滌煩似從錢塘宿夜聽秋濤翻落窠一千載遺趾惟荒園欲訪華陽逸仙書畱幾帙巢由買山隱草堂幾時畢青峯何處佳此間云第一讀君寄我書悵然殊有失我來居吳門懷舊心彌敦夢遊西溪上如入桃花源開門對秋水一角漁莊存故鄉勝他縣期子開清樽長歌代招隱欲起陶公論

桐霞館詩爲湘姬作

桐林高下帶晨霞一角紅樓玉女家畫檻新秋初過雁繡簾殘夢不聞鴉病慵自識君臣藥妝好頻更姊妹花問與題詩寫秋葉清陰移過石欄斜

頤道堂詩選卷十一

十

十年滬夢幾回圓一棹煙波便若仙桃葉豔過雙漿路葦蘿人在五湖船燈屏鏡檻宜雙笑繡幕紅簾著四禪碧樹玲瓏好明月夜來應傷玉窗前

自愛風華讀六朝粉黛硯匣總瓊瑤十眉圖畫修宮史雙臉臙脂譜鏡潮仙子樊桐尋合傳美人香草訂離騷池西別有鷗波在更寫眞靈上碧綃

自裁玉版寫烏絲雪豔花明筆一枝茗椀碧涼晨讀畫燈花紅瘦夜談詩別營置酒焚香地重憶停雲待月時爲與上元嬌女約煙江魚素寄相思

九月二十一日間彭城警書感

閩粵安瀾楚蜀平十年海寓久銷兵如何芽蘗滋三省遂

使烽煙警百城西北軍儲方轉餉東南將帥好連營宵來
搔首登樓角耿耿長星伴月明

送張都司從征

萬樹急秋聲秋風海上生將軍初校武軍門甫於此閱兵都尉遠
從征鼓角中軍壘旌旗大將營彭城山險在努力作干城

廿二日得郵遞聞自直隸之長垣蔓延齊豫有懷家

默齋都督兗州

十年不見苦思君極目天涯感夜分投筆慨慷班定遠談
兵才略杜司勳無端河上連烽火聞道山東有陣雲知爾
臨戎苦征戰夜深寒雁不堪聞

河決雖南糧艘尙未南下有懷漕帥雲臺夫子是日

頤道堂詩選卷十一

三

適得津門書

申浦三秋節丁沽一紙書傳烽驚孔道漫水梗河渠官燭
論兵夜春旌轉餉初應勞設方略軍國恃儲胥

軍門檄調青邨柘林二營兵送從征者

江南兵久偃河北賊方張聞道軍容整因知士氣揚彫弓
彎夜月長劍拂秋霜肯說防邊遠彭城是故鄉

舟車吾所治家室爾如何爾自懷忠義吾因感嘯歌弓刀

明玉帳刁斗冷黃河好作封侯夢關山夜枕戈

吳門貝簡香上舍贈重刊張吳七姬權厝志書來索

詩有序

七姬權厝志云七姬皆良家子事江浙行省左丞

榮陽潘公皆爲側室性皆柔慧姿容皆端麗修潔

善女紅翦製文繡經手皆精巧絕倫事其主及夫

人皆能以禮其羣居和而有序皆不爲怙寵伎美

之行公每聞閭閻婦女能以節概自立者歸必

爲語其事皆應曰彼亦人爲耳公笑曰若果能耶

及外難與敵抵口公臨戰一旦歸召七姬謂曰我

受國重寄義不顧家脫有不宿誠若等口口引決

母爲人恥也一姬跪而前曰主君遇妾口口終無

二心請及君時死以口口母令君疑也遂趨入室

以其帨自經死於戶六人者亦皆相繼經死公聞

之口若遽死耶實至正丁未七月五日也以世難

頤道堂詩選卷十一

三

弗克葬乃斂其屍焚之以口口骸瘞於後圃合爲

一冢公還其封且泣曰是非若所安也行營高敞

地而遷焉時以日薄故未暇爲志及踰月始狀其

事屬羽將勒石追瘞於冢側嘗觀古之史氏所載

貞妃烈婦能識節義決死生而不顧者恆曠世而

一見今乃於一家一日而得七人焉吁不奇矣哉

乃列其姓氏於石而系之以銘程氏蜀郡人年三

十生女一人生奴翟氏廣陵人年廿三徐氏黃岡

人年二十生女一人口惜羅氏濮州人年廿二卞

氏海陵人年與羅氏同彭氏與卞氏同郡年與徐

氏同段氏大寧人年十八其先死者也公名元紹

字仲昭實宋魏王廷美口裔其先以避禍易今姓
未復云銘曰生也同其天死也同其時而瘞又同
其封壤樹蕭條匪子之宮尙卜高原以永無窮尋
陽張羽撰東吳宋克書婁江盧熊篆吳門貝庸爲
重刊於千墨庵中

王府廢基宮巷曲滿地藤蘿春雨綠月明來弔七姬墳何
處青山可埋玉乳燕雛鶯各妙年七姬當日最嬋嫣河陽
潘岳風流日越國張敖割據年太尉軍中御酒香左丞江
表亦龍驤後房媛婧羣花讌不數金釵十二行濛濛雲氣
眞人起江漢旋師森戰壘西風黃葉滿城秋一樣娃宮冷
羅綺慷慨談兵霍冠軍婦人醇酒信陵君七香車上人人
頤道堂詩選卷十一

玉七寶樓頭暮暮雲百戰歸來陣雲紫遠築長圍竟如此
肯使田橫客笑人美人甘爲將軍死凋盡名花第七枝從
容畢命付朱絲芳魂應化三珠樹夜月誰憐四女祠藁葬
城隅白骨寒香魂零落暮花殘玉魚泣露瓊姬冢青鳥啼
香玉女壇君不見金姬墓秦女乘鸞隔煙霧墓門流水學
羅裳閑落年年合歡樹又不見齊雲樓澄心一炬悲千秋
樓上玉顏樓下土更無麋鹿蘇臺遊只今遺蹟都如掃女
墳湖冷微波杳詞人太息劫灰平剩有遺文重江表金薤
琳琅事有無墨庵墨妙冠東吳貞珉重泐傷心史張翰文
章宋玉書

不寐

不寐爾何事雁聲中夜哀異軍青嶺起妖讖白蓮開保障
思良吏艱難重將才深宵頻翦燭恐有羽書來
慷慨談時事悲歌酒易醒書生論海運野老話長星詞賦
文園集鈴韜武帳經筆端殘墨在吾欲滌東溟

寄默齋兗州

雄鎮東南古壽州將軍舊是冠軍侯荆塗所在憑山險淮
泗從來重上游白馬軍精人所望黑山賊衆我方憂傳家
各有金鼓在誰臥元龍百尺樓

戰馬

戰馬曉嘶風秋槽苜蓿紅河魁臨玉帳月暈抱雕弓虎旅
風雲外龍媒指顧中莫言芻粟少努力爲從戎

間道

聞道妖氛起禁城調言頓使旅魂驚輿圖七首環秦殿烽
火甘泉照漢營鄴下任城終縛賊朝端晉國定知兵雷臺
多少英流在汝輩空勞肆橫行

回中樂府上陵詩正是雄虺伏莽時不爲微行逢柏谷竟
同遇盜警蘭池宮中已啓銅魚鑰塞外初迴翠鳳旗賴有
天人三策在不教返蹕誤臨歧

從古貂璫職掃除本朝家法況良謨豈知小醜潛宮苑先
有中涓啓御厨肘腋恩仇天下少肺腸顛倒古今無爾曹
甘與生成外張蹇紛紛盡老奴

帛書魚腹起言妖張角天公勢最梟豈有仙人青領道致
令醜類赤眉驕星辰芒角垂元象雷雨飛騰下碧霄生縛
封狼探虎穴論功誰似李文饒

雨中過張都尉宅看菊

都尉從征去未還戰門魚鑰靜彎環虛堂寂寂秋風外老
圃蕭蕭暮雨間玉帳霜寒金甲冷青山人遠白衣閒遙知
征馬黃河北滿地衰蘭戰血殷

夜坐有懷

晚林鴉散盡官鼓動黃昏燭暈花雙影簾波月一痕硯畱
殘墨潤榻借微裘溫忽憶中原事銅符下虎賁

送趙秀才從軍兼詢桂林桂舟大令軍中近狀

頤道堂詩選卷十一

五

杜牧談兵略枚臬草檄才軍中孤劔去燈下一書來戍士
風霜苦征人雨雪哀好題籌筆驛莫上望鄉臺

十五夜卽事

風峭一燈斜新寒透碧紗秋聲隔苑樹夜色滿庭花星外
幾行雁月中何處鴉遙知征戍客清響聽哀笳

諸將

昔聞溫大雅節度冠班行將種山西出軍威直北揚參謀
原虎衛禁旅定龍驤早建匡時策宵衣夜未央
一代楊無敵西川此將才矧徒皆虎士戰馬亦龍媒秦楚
威名重甘涼勁敵摧傳家有文學早晚頌雲臺
轉戰秦川久今之馬伏波北平新玉節南國舊雕戈父老

談旗鼓偏裨習鶴鵝記從軍府見飛觀擲摩訶
張鎬原威重防邊大出師兩河森節鉞三省會旌旗門戶
無猿鶴干城有虎貔莫令功狀上仍勒黨人碑

中禁出嫖姚河魁轉斗杓駝裝蒙古健馬射索倫驕麾下
鋒車選軍中壯士翹前勛麟閣在莫負阿龍超
轉漕關軍國諮謀仰大賢銀刀屯四百白桿練三千籌筆
知終夕繙書更幾編選樓談海運翦蠲憶環玦
賣劔原龔遂揮戈亦魯陽始知眞將帥祇是古循良川北
聲華舊齊東士馬強周郎亦人傑旌旆共飛揚
六輔金甌固三邊鐵勒堅星垣聯上將地勢撫全燕騎選
漁陽卒恩頒內府錢何時王相國圖畫上凌煙

頤道堂詩選卷十一

五

朱雨甫秀才至自當湖有懷令兄椒堂兵部都下
一樽聊與慰風塵太息秋風鍛羽身自昔文章憎命達祇
今菽水累家貧君因京國懷昆弟我亦天涯憶故人極目
觚稜隔烽火煙江何處問魚鱗

鄂羅斯鐵梳行

鄂羅斯乃在伊犁之西蒙古之北其國界廓爾喀其名稱
唐古忒其民精巧善鼓鑄其利山川富金鐵張君貽我鐵
一鼓中有盤匝及鬻罽罽酒何足奇玉匣出陵無此
古問君此器何所售西洋樓櫓萬斛舟中間祇隔控噶爾
迺知瀛波大地同一毯王師昔年下青海遠訪銅城歷年
載龍節假道過女國遠涉河源學章亥罪人斯得皆休臣

止戈罷戰 天皇仁至今甌脫卡倫外三萬餘里無風塵
本朝功烈威傳箭四夷胥隸理藩院唐古忒字設經生
旁行斜上吾曾見昔年遠作灤河遊山莊萬樹風雲秋廓
爾喀部重譯至帳殿錫宴瞻旌旂讌客秋堂列官燭彷彿
蒲桃醉邊曲題詩好賦大食磁貢珍不羨溫都玉

聞那制府自秦中統兵南征

將門還出將忠武有文孫李勣威名重韋皋地望尊弓刀
金契貴韜略素書存迴首麒麟閣承家感 國恩
秦兵天下健所向輒成功況以謀猷壯兼之將領雄舳艫
聯渭上旌旆出關中坐鎮何人在河潼驛路通

喜楊賓山見過話舊兼懷蓉裳蜀中

頤道堂詩選卷十一

壬

壯遊遠事雲中成老去貧無柳上田一卷新詩吟窈窕
新刊窈窕草十年舊事話琅嬛酒邊殘燭人初醉煙外清
堂詩集見示鐘夢未圓更憶晉陽清嘯客蒼茫雲棧隔遙天

南橋勸浚河示都人士

周禮重溝洫漢書志河渠農功與水利表裏相權輿漳水
史起溉涇渠鄭白疏信臣治南陽張堪開狐奴師度治同
州長孫鑿石壚廬陵作唐志陂堰次第書古人有深意畝
澮惟良圖江南古澤國厥土惟泥塗雲間邇江海潮汐通
委輸奉賢昔分邑實在申浦隅其種首木棉其利兼蒲魚
稻稷亦間植沃壤稱膏腴竹港與沙港綠浦相縈紆近惟
蕭塘通衆派南橋趨非止資蓄洩兼亦利舳艫我來近三

月所見日以淤膠舟輒日夕物滯旅亦瘖淺涸不容篙澤
腹生菱蘆地既水變陸人將舟易車勞勤何可言行者多
嗟吁譬如人有身百脈束一軀血氣苟不流何以榮肌膚
因之疾疢作元氣將焦枯矧復念水旱凶札關苗畝海近
雨易得貪天理恐誣綢繆貴未然詩言實良謨我其蠲我
廉爾亦損爾租爾率爾佃農我率我吏胥遊徼有廩食上
司有官符一一我任之勿使驚爾閭計產以授食履畝以
授徒各自庇家事不必較智愚在昔莊中丞水利籌三吳
一歲治其幹四歲治其餘五載期復周六郡人共孚所惜
良法廢往往成沮如宋生言頗詳規畫足啓予項浚實避
役積弊當漸祛里閭有長者非止矜錙銖收亦挂書讀儒

頤道堂詩選卷十一

壬

亦帶經鋤我本西湖民識字耕田夫石函與葑隄遺愛威
白蘇插港利鹽筴國課資軍儲所宜併治之母使嗟荒蕪
勿慮鮮良法情至理亦俱商民期共濟均一斯安舒作詩
勗長久慎勿廢半途爾各治井井吾亦明區區

南橋歸舟卽事

櫓聲行復止亦似蕩微風遠岸漁帆白迴汀蟹火紅晚霞
蘆絮外新月竹陰中此際對花坐無人相與同

驟寒念征士之無衣者

玉帳沙如雪黃河月似霜商聲吹廣野兵氣聚寒芒秋戌
悲殘夜春閨夢故鄉有人方翦燭眷念爾無裳

喜錢七松壺見過云將移居秣陵城南之陶谷是梁